



Universitätsbibliothek Paderborn

**Verus Ecclesiasticus Vocationem suam cognoscendi
Avidus, Eidemqve Correspondendi Studiosus**

Mansi, Giuseppe

Francofurti ad Mœnum, 1693

Cap. XII. Neglectus divini officii, proprii in spiritu protectus, & curæ animarum, ad æternam mortem condemnat Ecclesiasticos

urn:nbn:de:hbz:466:1-38106

das non expurgiscitur, ut se emendet, non
dormit, sed mortuus est.

Caput Dnodecimum.

Neglectus divini officii, proprii in spiritu
profec̄tus, & curae animarum, ad ae-
ternam mortem condemnat Ec-
clesiasticos.

Innumerabiles sunt recalcitrantis humani
genii prævaricationes, scelera multiplicia,
immensa peccata, ast inter hæc omnia (ex sen-
su S. Joannis Chrysostomi) nulla graviora,
nulla Dei iram magis irritantia, quam illa,
quæ ab impiis Sacerdotibus committuntur,
quidum honorem Dei promovere, ac sanctas
Ecclesiæ dignitatē ac respectū tueri, ac augere
deberent, conformiter ipsorum vocationi, illum
prostituunt, hanc inordinatā conspurcant:
Nullare Deus magis offenditur, quam quod in-
digni, & peccatores Sacerdotes, dignitate preful-
geant. Hom. 14. in Mat. Si culpæ correspondeat,
ac æquetur pœna, (uti decet & debet) quis mi-
tabitur, si nos præ reliquis aliis severius judi-
cemur, acrius puniamur? In judicio Dei,
ignis eterni tormenta sustinebit, qui Eccle-
siastica

fastica decretā neglexerit, monēt seriō S. Clemens Papa, Ep. 1. estq; proinde in ministris sacris peccatū gravissimū, neglectus punctualis obseruantia eorum, quæ ad munus eorum spectant. Cum autem dormirent homines, vni inimicus homo, & superseminavit zizania in medio tritici, Matth. 13. v. 25. quam primū dormiunt agricolæ, statim Dæmon vigilat, estq; paratus, ut bona semina zizanijs, lolioq; permisceat; ita quoque mox, ut sacerdotes, destinati à magno, ac supremo Patre familias operarii, ac custodes suæ vineæ, S. Ecclesiae, largescere incipiunt, ac dormitare, quia primum desidiosæ se dare quieti, curam sibi commissam aut obiter, ac perfunctorie, pergere planeve negligere incipiunt, ac pernicioſa dissimulatione oculos quasi claudunt, & vexatio adest Dæmon, introducitque abusus, seminat corruptelas, ac quævis bene sata confundit: Hec ratio est, cur in horo dormientibus omnibus, solus Petrus specialem reſtulerit reprehensionem: Simon dormis? u intelligamus, quod, qui à Christo destinati sunt gregis sui pastores, qualis erat Petrus, non debeat ſele dedere, aut mancipare inerti otio, aut desidi pigritiæ. S. Ambrosius super illa Diuini Pauli verba, i. Rom. 12. Sollicitudine non pigri, addit alia Jeremiæ Prophetæ, qui dicit: Mala

dictus, qui facit opus Dei fraudulenter, quod ille legit, *negligenter*; & alibi scribit: *idem in Ps. 118. Piger enim in conversatione Divina sine spe est.* Formidabilius autem in alio loco clamat: *Negligentes Deus deserere consuevit.*

Res valde iniqua ac præpostera est, quod ubi mundani homines pro suis delictis, ac excessibus, per nos, nostrasque orationes divinum numen repropitiare volunt, ad quod non solum ex lege Charitatis, sed etiam justitiae obligamur, ipsimet per peccata nostra in Dei reperiamur disgratia, cuius divinam justitiam, sceleribus ac negligentiis nostris exacerbavimus, quis ergo erit qui se interponet, quis offensum placabit Deum? Fuit hoc argumentum Heli, dum ob sacri ministerii profanationem, suos reprehendit filios: *Si peccaverit vir in virum, placari ei potest Deus. Si autem in Dominum peccaverit vir, quis orabit pro eo?* *Si peccaverit populus, orabit pro eo Sacerdos* (inquit S. Augustinus in Ps. 36) *Si autem Sacerdos peccaverit, quis orabit pro eo?* Fecerant filii Heli, prout omnibus notum est, pessima quaæque, quaæ à perversis sacrilegisque Sacerdotibus accidere solent, de quibus scripsit Oleaster in caput 20. Numerorum: *Mirum valde est non posse Sacerdotem Deum, quem omnibus aliis placabat, sibi propitiandum reddere; quaæ tu Sacerdos*

Sacerdos queso expende, ut scius quanto difficultate
Sacerdotibus, quam aliis Dominus peccata com-
dones. Verè formidabilis est revelatio ista
Christo facta S. Brigittæ, Lib. I. c. 47, ex qua
ruere possumus, clarèque intelligere, quā
Deo sit abominabilis pravorum Sacerdotum
oratio: *Nunc dico tibi judicium eorum; ho-*
rum judicium est maledictio; Maledictus su-
bis & potus eorum, qui intrat in os eorum, quā
pascu corpus in cibum vermium, & animas
ad infernum: Maledictum sit corpus eorum
quod resurget in inferno, sine fine arsurum. Pe-
sumusne credere, tanta maledictionum plu-
stra tuisse exaudita? Observo, Apostolum
scribendo Hebreis, cap. 7. v. 7. dixisse, Chri-
stum orantem in Golgotha, exauditum fuile
à suo æterno Patre: *Cum clamore validi*
lachrymis exauditus est pro sua reverentia.
Hisce omnibus, atq; primâ suâ supplicâ, qua-
porrexit, veniam petivit pro iis qui morti ipsi
crucisq; patibulū condemnaverant, allego
pro motivo, *non enim sciunt quid facinorū*
nec tamen accepit rescriptum, responsum
propitium, siquidem populus ille in panem
hujus sui delicti abductus est in servitio, di-
spersusque per omnes totius orbis nationes
cunctorum irrisui ludibriorum; expositus, ac
majori parte exterminatus. Ratio hujus p-

test redi, quia summi Sacerdotes concitataverant contra illum populum, s̄epiusque suis in conciliabulis mortem ipsi machinati fuerant, idque non per ignorantiam, prout in alio loco manifestat ipsemet Christus: *Ioan. 25. v. 22.* *Si non venissem & locutus fuisset eis, peccatum non haberent; nunc autem excusationem non habent de peccato suo.* Quia ergo peccaverant ex mera, pura que malitia, facti sunt inexcusabiles, indignique, pro quibus Christi preces, licet profusis lachrymis oblatæ, pro illorum veniam ac remissione, ab æterno Patre acceptarentur.

Unum aliud motivum, ad nos ad diligen-
tiam, in munerebus nostris ac functionibus
excitandum, est bene considerare, accurate-
que perpendere, quod coram inappellabili
strictissimoq; æterni Judicis tribunali, non so-
lum de nostris, sed etiam de omnibus aliis,
quæ culpâ nostrâ perierunt, animabus, rigi-
dam exactamque rationem sumus reddituri:
Quid miseris illis dixeris, qui se conjiciunt in-
tantam abyssum suppliciorum? (deplorat S.
Chrysostomus, *Hom. 34. ad Hebr.*) *Omnium,*
quos regis, virorum ac mulierum, & puerorum,
ante reddenda est ratio. *Tanto igni caput tu-*
um subjecis? *Miror an fieri possit, an aliquis ex*
reptoribus sit salvus; *Nonne magna, nonne tre-*
menda

menda sunt hæc, quæ à tam sancto, tam do-
cto, tam experio viro, quiq[ue] in Ecclesia
plenam fidem facit, dicuntur? Et illud ipsum
quoque confirmatur à sancto Isidoro lib.
sentent. *Propopularum iniquitate damnantur*
loquitur de sacerdotibus, & in particu-
lari de iis, qui curam habent animarum
si eos aut ignorantes non erudiant, aut peccan-
tes non corrigan, testante Domino apud Pro-
phetam: Speculatorum dedi te domui Israel: Si
non fueris locutus, ut se custodiat impius à va-
sua mala; ille in iniquitate sua morietur. Sangu-
nem autem ejus de manu tua requiram. Plures
ut se subtrahant labori ac molestiæ, qua-
habet annexa cura animarum, unum alij
substituunt, quem pro tali officio capacem
idoneumque judicant, verum non refle-
ctunt se ad gravissima verba, pronuntiata ab
illo, qui severissimus iudex noster futurus
est: De manu tua sanguinem eorum requi-
ram. Oza etiam subtraxit selabori portan-
di supra proprios humeros Arcam comi-
sitque ferendam duobus juvencis, sed quid
contigit: *Calcitrabant boves, bos quippe la-*
viens inclinabat eam, fuitq[ue]; hoc modo obim-
peritiam ac ferociam indomitorum boum in
vicinissimo lapsus periculo; nihilominus ca-
men, non super petulca animalia, sed so-

pra Ozam repentina de cœlo supervenit
pœna , dum subitanea , morte extictus
est, unde dicit S. Hieronymus : Ep. 48. ad sab.
Oza Levites Arcam Domini , quam portare
ipse debuerat , quasiruentem sustentare voluit,
& percussus est ; ut intelligamus , quod si forte
per Ministros substitutos , licentiosos , igno-
rantes , sua comoda quærentes , laboris ac cu-
rarū impatientes , periclitentur animæ , fulmi-
naturum nihilominus Deum supra Rectores
ipsos , principales ac primarios , gravissimas
pœnas suas. Obstupuit olim S. Augustinus ,
lib. 50. hom. 7. videns jubilum ac lætitiam ali-
cujus , qui ad curam animarum erat promo-
tus , eique dixit : *In gravi periculo esse cogno-*
scitis , si enim pro se unusquisque in die judicii
vix poterit rationem reddere , quid de sacerdo-
tibus futurum est , à quibus sunt omnium ani-
me requirendæ ? Quis insanum aut mente
captum non judicaret illum , simulque ei o-
ptimo cum fundamento prædicere ac pro-
gnosticare posset mortem miserrimam tetro
in carcere obeundam , qui lætus ac festivus
congratulationes reciperet , eo quod spo-
pondisset , fidemque suam interposuisset ,
pro mille , decies mille personis , etiam pro in-
tegro populo , circa quas omnes & singu-
las , debito suo muneri , ac obligationi

vel-

veller satisfacere? Sane hujuscemodi sponsio ac fidejussio illius, qui in se sumitum animarum, proindeque temeritatem, iam detestatur S. Gregorius, sequentibus verbis: *Hom. 10. in Ezechiel. cap. 13.* Super eam alia quæ propria habemus, alienas mortes addimus, quia tot occidimus, quot ad mortem ire quot incepidi. & iacentes videntur.

Præter hæc observanda est doctrina aliquæ maximè necessaria, ac punctum aliquæ summi momenti, in quo cespitaverunt interdum aliqui, gravissimèque hallucinari sunt, qui sibi probi ac virtuosí esse videbantur, estque hoc, quod non sufficiat, esse exemplarem, orationi deditum, solitudinis amorem, abstinentiam à proprio commodo, humilitem, continentem, sobrium, si alias per incuriam aut negligentiam pereant animæ, cum alicujus aut gubernationi commissæ; hoc dicit S. Prosper: *Lib. I.c. 20. de vit. content. pl.* Certum quod ei sua justitia nihil suffragatur, de cui manu anima pereuntis exigitur. Illi, cui diffusio verbi commissa est, etiam si sancte virtutem perditè viventes arguere, aut erubescere aut metuat, cum omnibus, qui eo tacente perirent, perit; & quid ei proderit non puniri suo, si puniendus est alieno peccato? Hanc eadem plane doctrinam prædicat S. Joannes Chrysostomus.

Chrysostomus: Hom. 86. Tu rem tuam curas,
quam si bene ordinaveris, nullatibi alia sollici-
tudo impendet: Sacerdos si vitam suam dispo-
suerit, tuam autem non diligenter curaverit, cum
impius in gehennam detrudetur, & non nunquam,
non suis actionibus sed tuis damnatur, nisi omnia,
quae ad te spectant, efficiat.

Caput Decimum Tertium.

Detestabilis est Ecclesiasticorum ignoran-
tia, hinc demonstratur summe illis
esse necessariam scientiam
sacram.

Lamentabatur olim, acerbèq; deplorabat
S. Laurentius Justinianus d. spir. anima inter.
Ecclesiasticorum ignorantiam, tanquam sum-
mè propugnans S. Ecclesiæ: Nonne Ecclesia
quoddam est dedecus, insciū videre Presbyte-
rum, cui utiq; congruit erudire populum, & ad se
confuentibus monita propinare salutis? Quæ
autem major deformitas quā videre in Eccle-
sia sacerdotem, occupantem locum Magistri
ac Doctoris in populo, qui tamen totus igno-
rans est: Tam necessaria sacerdoti est sacra
doctrina, ut S. Hieronymus in cap. 2. Aggæi, ta-
lem sacerdotis nomine indignum judicet,
qui illa caret: Si sacerdote est, sciat legem
S Domi-